

善本方志輯·第一編

中國地方志集成

乾隆宣化府志(二)

康熙大城縣志

乾隆阜平縣志

中國地方志集成

善本方志輯·第一編 ⑩

乾隆宣化府志(二)

康熙大城縣志

乾隆阜平縣志

乾隆口北三廳志

鳳凰出版社●上海書店●巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社
編. — 南京：鳳凰出版社，2014.5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29


中國版本圖書館CIP數據核字(2014)第101386號

中國地方志集成·善本方志輯·第一編

著 作 者	本 社 編選
責 任 編 輯	王愛榮 吳 瓊
封 面 設 計	范一辛 姜 嵩
出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	http://www.fhcbs.com
經 銷	鳳凰出版傳媒股份有限公司
印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換,電話:0519-82338389)

乾隆宣化府志(二)



(清) 王者輔 原本

(清) 張志奇 續修

(清) 黃可潤 續纂

目 錄

乾隆宣化府志（二）	〇〇一
康熙大城縣志	一七九
乾隆阜平縣志	三〇五
乾隆口北三廳志	四〇一

宣化府志卷之三十五

藝文志一

郡爲公吏封域公自分陝以來文命所敷僅見於召南而燕獨無風豈慷慨悲歌不足當輶軒之採耶或魯淹長掩漢篋終亡曩蹟遂不可窺耳漢范升奏駁左史晉魯勝注墨辨作正天論是皆代產凡所著述不盡流傳則前古可知矣然及今輯之以登作者之林觀文成化庶幾存于百千什一乎志藝文

表疏

請於六鎮北築長城表

北魏高 閭

宣化府志

卷之三十五 藝文志一

一

臣聞爲國之道其要有五一曰文德二曰武功三曰法度四曰防固五日刑賞故達人不履則修文德以來之荒狡放命則播武功以威之民未知戰則制法度以齊之暴敵侵陵則設防固以禦之臨事制勝則明刑賞以勸之用能開國寧方征伐四剋北狄悍愚同於禽獸所長者野戰所短者攻城若以狄之所短奪其所長則雖衆不能成患雖衆不能內逼又狄散居野澤隨逐水草戰則與家產並至奔則與畜牧俱逃不齎資糧而飲食足是以古人伐北方擾其侵掠而已歷代爲邊患者良以倏忽無常故也六鎮勢分倍衆不關互相圍逼難以制之昔周命南仲城彼朔

方趙靈秦始長城是築漢之孝武踵其前事此四代之君皆帝王之雄傑所以同此役者非智術之不長兵衆之不足乃防狄之要事其理宜然也易稱天險不可升地險山川邱陵王公設險以守其國長城之謂歟今宜依故於六鎮之北築長城以禦北虜雖有暫勞之勤乃有永逸之益如其一成惠及百世卽於要害往往開門造小城於其側因地却敵多置弓弩狄來有城可守有兵可捍既不攻城野掠無獲草盡則走終必懲艾宜發近州武勇四萬人及京師二萬人合六萬人爲武士於苑內立征北大將軍府選忠勇有志幹者以充其選下置官屬分爲三軍二萬

宣化府志

卷之三十五 藝文志一

二

專習弓射一萬人專習戈楯二萬人專習騎稍脩立戰場十日一習探諸葛亮八陣之法爲平地禦寇之方使其解兵革之宜識旌旗之節器械精堅必堪禦寇使將有定兵兵有常主上下相信晝夜如一七月發六部兵六萬人各備戎作之具敕臺北諸屯倉庫隨近作米俱送北鎮至八月征北部率所領與六鎮之兵直至磧南揚威漠北狄若來拒與之決戰若其不來然後散分其地以築長城計六鎮東西不過千里若一夫一月之功當三步之地三百人三里三千人三十里三萬人三百里則千里之地強弱相兼計十萬人一月必就運糧一月不足爲多人懷永逸勞

而無怨計策長城其利有五罷遊防之苦其利一也北部放牧無抄掠之患其利二也登城觀敵以逸待勞其利三也省境防之虞息無時之備其利四也歲常遊邏永得不置其利五也又任將之道特須委信遣之以體恕之以情間外之事有利輒決赦其小過要其大功足以兵力資其給用君臣相體若身之使臂然後忠勇可立則勝可果是以忠臣盡其心征將竭其力雖三敗而踰榮雖三背而彌寵

諸鎮築城置戍表

北魏源 懷

蠕蠕不羈自古而爾遊魂鳥集水草爲家中國患者皆斯

宣化府志

卷之五 藝文志一

三

類耳歷代聖遂莫之能制雖北拓榆中遠臨瀚海而智臣勇將力算俱竭胡人頗遁中國以疲於時賢哲思造化之至理推生民之習業量夫中夏粒食邑居之民蠶衣備步之士荒表茹毛飲血之類島宿禽居之徒親校短長因宜防制知城郭之固暫勞永逸自皇魏統極都於平城威震天下德範宇宙今定鼎成周去北遙遠代表諸藩北固高車外叛尋遭霜儉戎馬甲兵十分闕八去歲復鎮陰山庶事蕩盡遺尙書郎韓貞宋世景等檢行要險防遏形便謂準舊鎮東西相望令形勢相接築城置戍分兵要害勸農積穀警急之日隨便剪討如此則威形增廣兵勢亦盛且

北方沙漠夏乏水草時有小泉不濟大衆脫有非意要待秋冬因雪而動若至冬日冰沙凝厲遊寇之騎終不敢攻城亦不敢越城南出如此北方無憂矣

防邊奏議

宋夏 棟

臣聞匈奴北有陰山草木茂盛冒頓依阻寇虐中州漢奪其地匈奴過泣夫有陰山猶資虜勢況喪晉不武盡割幽薊雲朔良田沃野以之界敵得無驅盛由茲兇醜轉爲邊患故國家懷之以文而不庭加之以武而不至要之以盟而無信賂之以資而無厭憑陵我邊鄙虐害我生靈自邇以來爲患非一蓋不復塞垣而勞捍禦猶張疎網以隔蚊

宣化府志

卷之五 藝文志一

四

蠕秦趙築長城漢築五原塞因其山谷設其險阻先代之勞後王之利不惟經畧有方兼使華夷有限應變無壅夫爲萬世之畫削黠虜之勢莫若復漢故地外銅塞垣復地之謀必資良畫誠當計其寇敵選其將帥明其兵政謹其邊防制其闔外皆如所言而後陽示畏弱陰整用度命將領之臣修李牧之法訓兵利器明賞信罰按行營壘親視疾病膏之以恩惠勞之以言辭同其苦樂和其上下整其騎乘名其等列習其擊刺養其勇銳於是豐其金帛陰遣五間訪彼山川紆直之勢察彼將助好惡之性相其機而觀其變因其數而發其謀疑其君臣焚其積聚優寵降附

撫綏邊境令幽薊之民積思漢之心匈奴之臣有叛主之計乃選一良將爲之謀王陰勒士馬出其不意夫今之邊界距塞垣裁二三百里匈奴入中國之路不過四五及其險隘不濶尋丈若分奇兵之平杜薊門之路出并代之弩守蜚狐之口然後正兵數道攻城畧地先平小邑以沮其氣次克大城以觀其變胡人不善嬰守救兵無路而至幽陵易朔不降即潰乃命良臣以葺完留飛將以捍禦復修亭障遵漢舊規則胡馬之塵罕能南暨矣

論西北用兵疏

明倪岳

近歲毛里孩阿羅忽孛羅出亂思加爾大爲邊患蓋緣河

宣化府志

卷之三十五

藝文志一

五

套之中水草甘肥易於屯牧故賊頻據彼地擁衆入掠諸將怯懦率嬰城自守苟或遇敵輒至挫衄既莫敢折其前鋒又不能邀其歸路敵進獲重利退無後憂致兵鋒不靖邊患靡寧命將徂征四年三舉絕無寸功或高卧而歸或安行以返析圭擔爵優游朝行輦帛與金克私室且軍旅一動輒報捷音賜予溢施官秩輕授甚至妄殺平民謬稱首級未嘗致其敗北輒以奔遁爲辭及考功籍所載賞格所加非私家子弟卽權門厮養而什伍之卒轉餉之民則委骨荒塵膏血野草天怒人怨禍機日深非細故也京營素號尤怯留鎮京師猶恐未壯根本顧乃輕於出禦用

天威臨陣輒奔反響邊軍之功爲敵人所侮且延綏邊也去京師遠宣府大同亦近也去京師近彼有門庭之喻此無陞橋之嚴可乎頃兵部建議令宣府出兵五千大同

出兵一萬併力以援延綏而不慮其相去既遠往返不逮人心苦於轉移馬力疲於奔軼夫聲東擊西者賊寇之奸態也擣虛批亢者兵家之長策也精銳既盡平西老弱乃留於北萬一北或有警而西未可離首尾衝決遽近坐困其可爲得計哉至於延綏士馬屯集糧糈不貲乃以山西河南之民任飛芻轉粟之役徒步千里夫運而妻供父執而子荷道路愁怨井落空虛幸而得至束芻百錢斗粟倍宣化府志

卷之三十五

藝文志一

六

直不幸遇賊身且斃矣他尚何云輸將不足則有輕齎輕齎不足又有預徵水旱不可先知豐歉未能逆卜徵如何其可預也甚不得已令民輸芻粟補官然媚權貴私親故者或出空牒以授倉庾無升合之人至若輸粟給鹽則豪右請託率占虛名竊之而商賈費且倍徙官爵日輕鹽法日沮而邊儲之不充如故也又朝廷出帑藏給邊歲爲銀數十萬山西河南輸輕齎於邊者歲亦不下數十萬銀日積而多則銀益賤粟日散而少則粟益貴而不知者遂於養兵之中寓養狙之術或以茶鹽或以銀布名爲準折糧價實則侵剋軍需故朝廷有靡靡之虞軍士無果腹之樂

至兵馬所經例須應付居平人日米一斗馬日芻一束追逐一日之間或一二堡或三四城豈能俱給哉而典守者巧爲竊攘之謀凡所經歷悉有開支罔上行私莫此爲甚及訪禦敵之策則又論議紛紛有謂復受降之故險守東勝之舊城使聲援交接特用易制然欲復城河北卽須塞外屯兵出孤遠之軍涉荒漠之地輜重爲累饋餉惟艱彼或抄掠於前臨襲於後曠日持久軍食乏絕進不得城退不得歸一敗而聲威大損矣又有謂統十萬之衆聚半月之糧奮揚武威掃蕩窟穴使河套一空事非不善也然帝王之兵以全取勝孫吳之法以逸待勞今欲鼓勇前行窮

宣化府志

卷三十五

藝文志一

七

搜遠擊乘危履險覲萬一之倖廠報遠隨則重不及事提兵深入則孤不可援且其間地方千里無城郭之居委積之守彼或往來遷徙罷我馳驅我則情見勢屈爲敵所困既失坐勝之機必蹈覆沒之轍其最無策者又欲棄延綏勿守使兵民息肩不知一民尺土皆受之祖宗不可忽也向失東勝故今日之害萃於延綏而閩陝震動今棄延綏則他日之害鍾於閩陝而京師震驚賊愈近而禍愈大矣因陳重將權增城堡廣斥埃募民壯去客兵明賞罰嚴間謀實屯田復邊漕數事

邊務疏

明劉定之

其一日戰陣臣親昨者之戰但知閉營堅壁假托持重之說而不能出奇盡力以收全勝之功甚至前隊敗而後隊不敢救左哨出而右哨不隨宜倣宋吳玠吳玠兄弟三疊陣前一行兩楯踴伏以俟其陣最低第二行矛戟大鎗立地以俟其陣稍高後一行奇兵弓矢其陣最高敵至迭爲救護庶幾不至狼狽矣敵騎之來奔騰蕩突必資刀以制之昔郭子儀破安祿山用八千人執刀而進韓世忠破拐子馬用五百人執長斧而前由此言之刀斧之揮當便捷優于火鎗之遲緩趙趙也二日守禦昨者紫荆居庸等關既不能禦敵之入又不能遏敵之出名爲閭塞實則坦途

宣化府志

卷三十五

藝文志一

八

敵騎之來若長風之驅雲霧豁然無所抵碍蓋兵士寡弱亭障缺敗蹊蹙踈漏非朝夕之積也今宜增兵士繕亭障塞蹊蹙如古者畫境分守之制因其陸地則縱橫掘堊名爲地網因其水泉則遇處停蓄號曰水櫃或多植榆柳以制奔突或多招土兵以助官軍此皆古所嘗爲必有效驗今武夫悍將多云古不可泥然商之賢相不云乎事不師古以克永世匪說攸聞此臣之所信其言也三日通使夫通使之職欲其內蘊忠信之心外有言語之才昔漢文帝遣陸賈使南越用能屈趙陀之膝以去僭號宋仁宗遣富弼使契丹用能結華夷之盟以息戰爭若賈弼者所爲蘊

忠信而能言語者也奈何往時專以譚人駟夫爲之哉今
後宜用文武賢臣備正使之選令通敏者爲之介紹錄其
動靜言語緘息必載庶幾不致招釁起事矣四曰降夷往
年敵降皆留居京師授以官職給以全俸夫非我族類其
心必異故昨者或衝破闕塞奔歸故土或乘伺機便寇掠
畿甸今宜乘大兵聚集之際遷徙其衆遠居南土禁其種
落不許自相婚媾變其衣服不許仍遵一俗或以爲兵使
與吾中國之兵部伍相錯以牽制之或以爲民使與吾中
國之民里甲相雜以染化之況又省全俸之給減漕輓之
勞臣嘗於上皇時言之奈智謀淺短未動天聽然今者之

宣化府志

卷三十五 藝文志一

九

禍可鑒矣五日練兵夫天下之民農夫出粟於倉受布於
庫而練習武藝者所以衛國也向者兵士受粟布於公門
而納月錢於私室于是手不習攻伏擊刺之法足不習坐
作進退之宜目不識旗幟之色耳不聞金鼓之節但見其
或負販貨財以爲商或習學技藝以爲工而工商之所得
僅足以補月錢之費蓋民之膏血軍之氣力皆變而爲金
銀以惠奸宄一旦率以臨敵如驅牛羊以當虎狼幾何其
不敗哉今宜痛革月錢之弊作新操練之政將帥有踵舊
弊而不改者誅之可也怠新政而不務者降之可也士卒
練習既久拔其勇銳汰其罷軟糧賞有厚薄費用可節縮

矣六曰撫民夫養兵之費既出於民而兵敗之禍民當其
慘始也出費而終也受禍民其何辜乎況守令之刻削於
民猶將帥之刻削於兵也今宜於常年考覈之所黜落三
年朝覲之所彈糾者悉加嚴法而不寬縱至如大臣舉官
有犯贓私者必連及舉主夫恩不加於貪吏則貪者寡矣
罰不貸於舉主則舉者慎矣民豈不蒙其惠乎民安而邦
本固雖強敵外侵而邦本不搖此保國永世之良圖也七
曰選將夫天之生將材豈專在於將門乎販豬屠狗之夫
而漢賴以王被褐捫虱之人而秦賴以霸至於趙括者豈
非趙奢之子然頑首於白起王離者豈非王翦之孫然繫

宣化府志

卷三十五 藝文志一

十

頸於項羽今國家用將有出於將門之中者若石亨楊洪
是也有出於將門之外者若干謙楊善是也然將能知將
宜令各舉所知不拘門第或以勇力或以計策其餘公卿
侍從亦令各舉所知量能而任之庶乎拔十得五間一知
二將材由此而充矣八曰賞罰夫有兵將而無賞罰猶無
兵將也將非賞罰無以將兵君非賞罰無以將將昨遣石
亨等將兵禦敵未聞其摧陷寇讐迎回鑾輅但迭爲勝負
互相殺傷而已雖不足罰亦不足賞也今亨自伯陞侯天
下之人未聞其功而但見其賞豈不怠忠臣義士之心乎
昔漢之圖恢復也所恃者諸葛亮宋之圖恢復也所恃者

張浚其人皆忠義素著功業久立及至街亭之戰不勝而亮降丞相之號符離之役未捷而沒解都督之職待收後效乃復前官今宜使亨等但居舊職勿受新陞以幸廉耻之節以作敵愾之氣他日勲名盛而爵賞加亦何晚乎夫既予而不忍奪者姑息之政也既進而不肯退者患失之心也上不行姑息之政下不懷患失之心則治平可計日而望矣至于昨日有臨陣而死者有棄關而生者亦宜急加賞罰庶幾恩及卑賤而人知所效法行賞近而人知所戒矣

請修北東二路邊垣疏

明 翁萬達

宣化府志

卷三十五

藝文志一

上

邊鎮京師屏蔽設險守要惟在審形勢酌便宜而已蓋天下形勢重北方以隣敵也而我朝與漢唐異漢唐重西北我朝重東北何者都邑所在也漢唐都關中偏西北故其時實始開朔方城受降不但已也我朝都幽薊偏東北則皇陵之後神京之外其所以鎖鑰培植以為根本慮者可但已哉今日天下形便重宣天以數警也而近時與往年異往年虞山西近時虞京後何者敵情不常也往年急太原其時內邊之脩外邊之築建議併守不憚勞也今時急隆承則皇陵之後神京之外其所以鎖鑰培植以為根本慮者可憚勞哉蓋敵之為患猶泛濫之水中國設守猶潭

宣化府志

卷三十五

藝文志一

上

水之隄諸隄悉成則漸成隙漏諸隄未脩則先注空虛乃今則已注宣之隆承矣昨歲禾突于鎮安今歲狼顧于滴水搖尾以歸號首不解安得不為之寒心故夫往年修邊之役宣府始西中路者先所急也北東二路限於財力間多未舉又以獨石馬營永寧四海治之間素稱險峻朵顏支部果處其外尚能為我藩籬今西中路邊垣足時敵不可犯其勢必不肯以險遠者自阻而朵顏支部復為所逼徙避他所北東一路之急視前益數倍試以二路邊計之東路起四海治鎮南墩而西至永寧盡界為邊北路起滴水崖而北而東而南至龍門城盡界為邊凡七百餘里而

垣之守愈固險不可攀掠無所獲疲其力而衝其中虛伺其隙而要其歸路當無不覆之寇矣故外邊以扞北路內險以扞京師尋常竊發外邊自可支持萬一侵軼內險復成犄角緩急相資戰守並用茲所謂審形勢酌便宜而盡之於人謀者也臣往來相度擬于東路鎮南墩與薊州所屬火垣墩接界塞其中虛築牆僅三十餘里可以省數十里之戍兵自此而西歷四海治永寧光頭嶺新寧墩一帶地勢不可棄者稍爲更改俱修創新牆一道北路外邊補修創修務期通完又自永寧墩鵬鴉長安嶺龍門衛至六臺子墩而止另爲創修一道據其要害是爲近邊卽與東

宣化府志

卷之三十五 藝文志一

七

路新墻連而爲一防秋之時不必退守南山俱須併力外險蓋不止備金湯之設崇虎豹在山之威亦且坐收首尾率然相應之利也謹將經費工役事宜條爲五事一處夫役宜鎮五路軍人及河南班軍僅可四萬請令山西保定撫臣各籍所屬民夫萬五千人給以資糧委官督領刻期赴鎮一計工費宣府東路邊墻一道北路內外墻各一道及諸墩舍水門計工當役七萬人以百五十二日爲期度支費銀四十三萬六千六百有奇請發太僕寺馬價銀及本部缺官柴薪銀不足以帑銀給之一移將領宣鎮二路不必增兵第移本鎮副總兵於永寧城移永寧參將于四

海治奇援兵馬願從者聽否則就近交兌不足從宜選補副總兵專督團練軍騎巡徼山陵官將自參守而下許會總兵調度一議戍卒原以東北二路邊軍單弱不便分成欲摘京營步軍六千赴永隆協守然京軍未可輕發第令朔州兵備召募三千益之一備戰車永隆懷保地勢平夷可車戰前保定巡撫劉鵬創戰車數千輛置之腹地無所用宜取三之二運赴本鎮則不加費而戰守之備足矣

請築宣大塞垣疏

明翁萬達

臣聞形勢者設險之所必因時宜者兵家之所不能違也兵不審時險不度地非所以揆事體而彌寇讐也國家雖

宣化府志

卷之三十五 藝文志一

十四

不守東勝棄大寧然重險天設固曾在於外邊則西連延綏東距薊州共相犄角內邊則寧鴈紫荆居庸倒馬可通大舉然外之不禦內安可支故論者有唇齒之喻又有門戶堂奧之喻夫度形勢之便審事宜之極則詳於外防正以扞內量爲內備所以資外也易曰王公設險以守其國設之云者築垣乘障必資人力之謂也凡虜入寇邊地峻絕則易防平漫則難防事有可證也今夫百人之堡非千人不能攻以堡有垣塹寡可敵衆弱可制強若值之於平曠之墟則百人牛羊千人虎狼矣以是知山川之險險與虜共垣塹之險險爲我專者也我恃其所專而奪其所共

此寨役之所以不可已也查得連年修築如山西偏老一帶委極高厚大同各路與宣府之西中路亦多足恃其餘諸路則闕而未舉若使諸路悉垣諸垣悉式連亘千里屹然長城防秋之兵帶甲以登列營以待所謂地險人力而盡之矣

遼防修守事宜疏畧 從明史葉節本 明翁萬達

宣府大同外連極塞以扞蔽乎內山西保定內峙諸閭而籍底於外故四鎮均爲重地而宣大急焉山西起保德州黃河岸歷偏頭抵老營二百五十四里大同西路起于角山歷中北二路東抵東陽河鎮口臺六百四十七里宣府宣化府志 卷之三十五 藝文志一 五

起西陽河歷中北二路東抵永寧四海冶千二十三里共一千九百二十四里皆通巨寇險在外者所謂外邊也山西老營堡驛而東歷寧武雁門至平刑關八百里又轉南而東歷龍泉倒馬紫荆揷箭嶺洋圖峪至沿河口千七十里又東北歷高崖白羊至居庸一百八十餘里共二千五十餘里皆峻山層岡險在內者所謂次邊也外邊大同最難守次宣府次山西之偏老大同最難守者北路宣府最難守者西路山西偏關以西百五十里恃河爲險東百有四里則視大同內邊紫荆寧武雁門爲要次則居庸倒馬龍泉平刑要之能禦於外則無憂於內寇犯山西必

自大同犯紫荆必自宣府先年山西防秋止守外邊偏老一帶歲發班軍六千人備禦大同仍置兵寧雁爲聲援比塞極衝守次邊非守要之意宣府亦專備西中二路而北路空虛且連年三鎮防秋徵調遼陝兵馬糜糧賞不貲難持久併守之議實爲善經外邊四時皆防城堡兵各有分地冬春徂夏不必參錯徵發若此在事臨時調遣近者數十里遠者百餘里首尾不相應萬一如往來潰牆而入越關而南京師震駭方始徵調何益事機擺守兵未可遽罷易曰王公設險以守其國設之云者築垣乘障資人力之謂也山川之險險與彼共垣堦之險險爲我專修邊之役必當再舉夫定規畫度工費二者修邊之事慎秋防併兵力重責成量徵調實邊堡明出塞計供億節財用八者守邊之事也

請城北路內塞疏

明翁萬達

宣化府志

卷之三十五 藝文志一

五

臣聞首尾腹背之論定而後形勢明輕重緩急之分較而後便宜得臣本書生不諳戎計然嘗識險夷於馳騁稽難易於籌思頗得其槩不敢不達言之夫天下形勢重北方以隣敵也然我朝形勢與漢唐異漢唐重西北我朝重東北何者都邑所在也漢唐都關中偏西北我朝都幽薊偏東北漢唐偏西北故其時責新秦開朔方城受降不但已

也我朝偏東北則皇陵之後神京之外其所以鎖鑰培植以爲根本慮者可但已哉天下便宜重宣大以數警也然近時便宜與往年異往年虞山西近時虞京後何者敵情不常也大同之門戶不嚴則太原危急宣府北路之藩籬不固則隆永急往年急太原其時內邊之修外邊之築建議併守不憚勞也今時急隆永則皇陵之後神京之外其所以鎖鑰培植以爲根本慮者又可已哉國之後門猶人之肩背養其肩背以衛其腹心蓄艾七年防危一旦察脉觀兆不見是圖乃今則病形已見矣夫往年城紫荆倒馬諸邊備畿輔之西也城應門寧武諸邊備太原之北也紫荆

宣化府志

卷之三十五

藝文志一

七

倒馬有宣府大同以爲外捍應門寧武有大同偏老以爲外捍且猶爲設重險隆永去神京二百里而近無外捍足恃而重險不設事恃北路非計之周也且十九年二十年二十一年之寇由朔州以窺應門志上拒平陽也二十三年之寇由蔚州廣昌以窺紫荆志真保定也塞垣成而應門寂謀鐵襄門犄角峪戰而紫荆絕望敵情可推而知也昨歲禾突于鎮安今茲狼顧於滴水搖尾以歸駢首不解其志欲何爲哉此臣之所寒心夫往之經畧所以裕今今之措注不思善後封疆之臣豈敢一日忘其死耶往年修邊之役宣府始西中路者先所急也北東二路限于財力

間多未舉又以獨石馬營米寧四海治之間素稱險峻朵顏支部巢處其外尙能爲我藩籬臣亦每有撫處之議今西中路塞垣足恃敵不易犯其勢必不肯以險遠者自沮而朵顏支部復爲所逼徙避他所東北二路之急視前蓋數倍也試以二路邊計之東路起則海治鎮南墩而西至承寧盡界北路起滴水崖而北而東而南至龍門城盡界爲邊凡七百里而二路馬步官軍不過二萬除城守站遞諸役防秋擺邊僅得一萬兵分于地廣備疎于無援此臣之所寒心者也夫地要而不重其防兵分而不虞其害封疆之臣又敢一日忘其死耶天下之事不有所待無以全

宣化府志

卷之三十五

藝文志一

八

其勢不有所更無以盡其利宣之北路豁谷僻仄之域貧瘠之區也往年不數患寇者彼誠避其險遠無所于利近兩入寇志在內地內設重垣畝計斯沮不窺內地則外諸城堡昔爲大舉必經者勢亦自緩而左腋龍門衛楊許二衝右腋龍門所滴水崖一帶厚爲之備絕其必窺設使彼仍貪入則須由獨石馬營而南遠巡前却於豁谷僻仄之間攻不可驟掠無所獲疲其力而衝其中虛伺其隙而邀其歸路皆無不覆之寇矣故外邊以捍北路內險以捍京師尋常竊發外邊自可支持萬一侵軼內險復成特角外邊兼理堡寨進可以逐北退可以致人內險專事隄防近

請會議內塞成兵疏

明 翁萬達

臣聞設險而不守與無險同聚兵而失養與無兵同蓋險本資人兵難去食城朔方者出六月之車成宗周者班諸侯之餼其所從來遠矣近日敵窺隆永妄有垂涎上兵伐謀其次伐形臣雖愚昧何敢忘之其宣府北東路修邊事宜已經具請見議舉行臣不敢復有演論但東路雖係加修舊邊而其地素稱險峻士衆甚少原無擺守之兵北路則係創建內險藉以屏障神京事例倣始宜盡區畫之實又敵馬素便於梁梁而外兵非可以內掣今計北路內邊與東路舊邊相接約長二百一十餘里非得二三萬人乘

宣化府志

卷三十五

藝文志一

三

之不可其奇兵之布伏於牆外應兵之接援於牆內者尚不與也則夫東路之增兵北路之設兵容能已乎況今國事已屬春深版築未施壁壘先布比其完役便是防秋改絃更張勢所不及除酌調別鎮客兵以爲奇應量處本鎮士兵以爲擺守客兵數目調至具題土兵供費隨宜積補外念惟防邊大役遣戍重勞人之常情不有樂聚不可使之久居不有祿利不可使之履難聖明御極百度維新而經國籌邊安內撫外若是其大且重者苟且便益不思遠圖是非臣子揆事慮終因便審盡殫心竭力以事一人之誼也且近時邊事各有不同如大同頗易於養兵而宣府

以翼蔽隆永遠以係籍關南緩急相資戰守並用茲所謂審形勢酌便宜而盡之人謀者也擬於東路鎮南墩與朔州所屬火焰墩接界塞其中空築垣僅三十餘里可以省百數十里之戍自北而西歷四海冶永寧光頭嶺新寧墩一帶地勢可守者循其舊邊地勢不可乘者稍爲更改又自永寧墩歷鴈鵲長安龍門衛至六臺子墩別爲創修內垣一道與北路新牆連而爲一北路原額官軍不輕內調內垣乘守別措兵馬蓋不止備金湯之設崇虎豹在山之威亦且成首尾之形收率然相應之利也世之論者或不審乎形勢而有隔絕獨石之疑臣則曰王公設險重門禦宣化府志

卷三十五

藝文志一

五

暴築城以居不聞棄郊野境而守不爲棄鄙今紫則倒馬鷹門寧武雄峙於內未嘗隔絕宣大偏老也而內險之設頗爲隔絕獨石平或不察乎便宜而有工役難成之疑臣則曰佚道使民雖勞不怨版築偶興而度劉可免轉輸暫効而徵調終停今北東二路外邊七百餘里修築不以爲難也而內險之役顧以爲難乎若以重防于京後爲過憂不專力于外邊爲示弱則是有見於四肢隱痛之切身而不思元首腹心之不可以並論徒知夫尺寸進退之所係者重而不知彼此之相濟利害之相生事有機權不可執一也

則否宣府西中路尙堪以盡守而北路則難不可不察也大同之北水草肥美無大山豁弘陽五堡連而屏蔽嚴破胡九堡成而營田閑倚地可以招軍籍軍可以乘塞宣府則豁谷窪密逼臨敵巢境土無所于因屯軍無所于濟事體有不同也宣府西中路素通大舉戒備有年故大小白陽張家口葛峪堡之間難當衝要兵馬足支北路則邊連千里兵不萬人將校士人舊所從事者李莊諸寇而已此寇既藏大營遂合則其事又有不同也夫今之擺邊卽古之城戍今之防秋卽古之更番宋程頤曰古者戍役今春遣行明夏代至仍留備秋過十一月乃歸其明年復如之宣化府志

卷三十五 藝文志一

王

過更也夫宣大之地古材武之地也其俗標悍其人勇烈誠卽給之器械厚其糧廩使伍什隊司以相攝親識隣里以自占拔其豪傑者以爲之長配結其富力者以防其逃亡盛兵可集也但國家財力有限軍旅事殷一編令甲待哺爲常介冑之臣敢忘度支之恤乎雖然禦戎重事也以捍蔽神京至計也往年太原告急內遣設險紫荊倒馬之間八列寸守其直隸河南山東之民不有寧也自宣大之邊成併守之議定歲省公費六十餘萬其私於民間者不能計也直保定河間諸府之民素有弓箭之社技藝之名但使厚其實發勤其撫循則雖徵調爲守如漢之卒更亦宣化府志

卷三十五 藝文志一

王

則清勾不如招募招募不如徵調措之用者有參差也故徵調以月日計招募以歲年計清勾以數年計然則東北路之乏兵不得不以徵調清目前招募清勾求善後也夫宣府兵額固九萬餘矣今實在者十之五六而已逃亡之數隱射於因循捕解之方脫漏於賄賂欲求無損何可得也故又不得不讓清勾以求復額事招募以足清勾之不獲者也然是二者事無專責則但具虛文督責太嚴則外生他事竊見副使魏尚繪見理朔州道兵備才識資力良可付託若以一事責之使得久任以求實功當必大有就立且事有專責而亦不至于外生他事也臣本愚暗復處宣化府志

卷五十五 藝文志一

重

請通貢市疏

明 王崇古

先帝既誅仇鸞制復言開馬市者斬邊臣何敢故違禁旨自陷重辟但敵勢既非昔強我兵亦非往怯不當援以為例夫先帝禁開馬市未禁北敵之納款今敵求貢市不過如遼東開原廣寧之規商人自以有無貿易非請復開馬市也俺答父子兄弟橫行數十年震怒嚴流毒幾輔莫敢遏劉功者緣議論太多文網牽制使邊臣無所措手足耳昨秋俺答東行京師戒嚴至倡運磚聚灰塞門乘城之

計今納款求貢又必責以久要欲保百年無事否則治首事之罪豈惟臣等不能逆料他時即俺答亦恐能保其身不能保其子弟能要諸部于目前不能制諸部于身後也夫拒敵甚易執先帝禁有一言可決但敵既不得請懷憤而去縱以把漢之故不擾宣大而土蠻三衛寇竄則違古能賓鬼驚擾西鄙息警無時財力殫細雖智者無以善其後矣昔也先以尅滅馬價而稱兵忠順王以元裔而討哈密小王子由大同二年三貢此皆前代封貢故事夫揆之時勢既當俯從考之典故今非創始堂堂天朝容荒服之來王昭聖圖之廣大以示東西諸部傳之天下萬世諸臣宣化府志

卷五十五 藝文志一

重

上貢市疏

明 方逢時

陛下特恩起臣草土中代崇古總督任願陛下神武八年以來九邊生齒日繁守備日固田野日闢商賈日通邊民始知有生之樂北鄙輸誠効貢莫敢渝約歲時請求隨宜與之得一果餅輒稽首歡笑有獵人要賞如打喇明安免者告俺答罰治即俯首聽命異議者或曰使者充斥為害或曰日益費耗彼欲終不可足或曰與寇益狎隱憂叵測此言心則忠矣事機或未親也夫使者之入多者八九人